

雲南通志

25-26  
39  
350

39

350



雲南通志卷二十五

地理志三之十五

山川十五

開化府

開化府之山俱自蒙自縣來其在三岔河以西者自梨花江北東南行為風魔嶺

風魔嶺

開化府志在府西二百餘里高聳特立嶺頭

結小山二十餘座布列如陣樹木叢雜中通一徑委宛曲折雖當盛暑寒氣逼人四時煙雲朝暮不散

又東南為阿得山又東南為臥龍山東南至越南國界三

雲南通志

卷二十五

地理志三之十五

山川十五

一 開化府

岔河入魯部河處而止

阿得山

開化府志

在府西南二百里許盤旋無際古

木幽深杳無人蹟惟見雲飛霧繞莫測其中所有

臥龍山

開化府志

在府西南三百餘里新現南二百

餘里猛平寨南高厚寬做蜿蜒雄峙砥柱江流矯若

龍形

分幹自白溪河源東南行分一支南下為鳴舊山

鳴舊山

開化府志

在府西一百八十里鳴舊塘有洞

初入有石扣之逢逢有聲再進出乳滴成蓮臺土人  
像大士其上頂有一竅天光透入豁然仙境

又南行走期烏石河西白溪河東南行爲木楚山

木楚山 開化府志 在府西新現里東北八里崖石嗟

峨似虎山勢極高雖陰雨連綿早晚俱有日光照山

頂夷人謂日爲木楚以山頭日日有日光也山有龍

潭

又東爲馬鞍山

馬鞍山 開化府志 在府西新現里氣勢飛騰宛如嘶

風報馬又名報馬山

又南爲玉屏山

玉屏山 開化府志 在府西新現南十五里高峻端巖

雲南通志

卷二十五

地理志三之十五 山川十五 二 開化府

形如屏列四時煙雨變態無窮

又南爲開門山爲連雲山

開門山 開化府志 在府西一百六十里危峯峭壁天

然秀麗中一洞相傳藏有軍器確磨金銀等物可借

用人假而不歸遂封閉今尙有亂石灰砌形

連雲山 開化府志 一名大黑山在府西一百五十里

磅礴端巖林木蒼翠

一支南行爲鶴山南抵三岔中左兩河會處而止

鶴山 開化府志 在府西新現南八十里如鶴形長頸

有頭尾翼足日出映照可觀

分支正支由連雲山東南行爲老君山爲馬臘乙山

老君山 開化府志在府西一百里高入雲霄爲郡治

來龍登之蕭然象外輒具出塵之思北有躍鯉池形

如半月左右兩山排闥

馬臘乙山 開化府志在府西百里許懸崖飛舞較諸

山最奇

又自老君山東南行爲蓑衣山

蓑衣山 開化府志在府西南一百餘里山勢高峻一

重幾三十餘里密箐深林人跡罕至 謹案期烏石河

龍潭北流出期烏石河其下流爲盤龍河

### 雲南通志

### 卷二十五

地理志三之五

山川五

三開化府

川文十三

又東南走邪革白折東行爲秀石山

秀石山 舊雲南通志在府西四十里危峯劍攢四壁

如削開化府志在府西六十里層峯聳翠秀色宜人

卽老君山支派爲郡治來龍有泉味甚甘冽其南八

寨石洞有龍潭

折北行走獐雞衝又北爲化乙山

化乙山 開化府志在府西一百里層巒疊嶂氣象隆

豐爲府治來龍分支處上有天池雖旱不涸 謹案山

爲彌勒河東北流會烏溪石河貢生郡人萬重篲

化乙山二首威重崇隆勢獨尊吐吞雲氣接天門自來靈嶽諸公視誰識炎荒化乙蹲碧削三峯支鳥火雄橫千垵錯兒孫山精物怪藏游處雲雨飛飛旦與

昏天池浴日唱金雞閃爍晶光看未迷白霧露開神  
嶽面青芙蓉墮仙人梯時聽溪聲行陣馬每逢琪草  
護山蟠箇中寶藏知多  
少魄氣交橫影照西

分一支西北行爲期烏石洞

期烏石洞 舊雲南通志在府西一百三十里安南里

一統志夾澗穿流卽儂人河源開化府志諸水匯於

中爲盤龍河源 詳案卽期烏石河

又西北爲白虎山

白虎山 開化府志在府北九十五里有牧者見一白

虎尋覓不見故名

又西北爲綠蘿山

雲南通志

卷三五

地理志三之五

山川十五

四 開化府

綠蘿山

開化府志在府西北樂竜里峯巒聳拔上多

古松下有綠蘿寺幽靜軒豁清氣徧人

又西北走小石牙北抵期烏石河曲處而止

其正支折東行爲黃龍山

黃龍山

開化府志在府西一百里卽玉弄山昔吳三

桂勦王朔連營十二於上

又東爲波些山

波些山

舊雲南通志在府西四十里孤峯特聳高出

羣山

分一支北走路梯河以東至路梯河入儂人河處而止

其正支又東走茶庵有龍潭在城西十五里相傳寺僧以穢桶往汲其龍颺去寺即崩頽今水較細分一支東北走為天生橋山抵儂人河而止

天生橋山 開化府志在府西北三十里層石如雲孤懸河百中閒一洞戶牖天成水咽腹中路行頂上知府湯大賓建廟其上

其正支又東為西華山

西華山 舊雲南通志在府西南二里橫列三十六峯層巒疊翠與東文山對峙拱翼府城開化府志在府西南五里飛崖峭壁巘岈秀削宛然出水芙蓉疊萼

雲南通志

卷二五

地理志三之十五 山川十五 五 開化府

連葩又如參差戟劍護衛郡治中一峯最高崖畔建老君閣為老君崖山頂為交椅凹形似交椅下有石婆婆廟居民多祈嗣於此山麓有熱水寨其水可引入城康熙十年知府劉沂曾開岐渠山西有水磨龍

潭泉自石洞湧出轉旋如磨又有紅石崖龍潭水清

冽而甘四時不涸

舉人蒙自鄧學先遊西華山記郡城東北之山端而靜西南之山峭

而奇時當霜雪既交百草殂落諸峯皆青秀刻露現真面目而最奇特者莫如西山三十六峯轟轟者如筆屹者如笏平者如冠圓者如鐘中間數峯尤秀絕望之如九疊屏風張於天際其石黛參差煙雲點綴樵夫上下飛鳥出沒儼然王宰之所皴而徐熙之所染也初九日天清朗躡屐同登路皆穿石穴罅而上踐苔磴扶蘿壁直達其巔回望郡城若玦江水如帶村落如煙行人如蟻兩腋清風習習飄然不知身之在

何境也出山口數十步有院宇數間竹梅蕭疏掩映  
香雪瓣瓣霏來迎人入寺門巖光蒼翠落綠苔石塔  
閒使人應接不暇道人布袍出見方與敘坐而香風  
忽至紅雪亂飄遂離坐出東廂觀梅花仰見懸崖開  
有閣結構奇絕道人指曰此觀音閣也遂開左側門  
援飛莖而上與大士所住普陀巖無以異但少紫竹  
鸚鵡耳再上為老君閣路益奇而峻嬾娜勃窣乃得  
達既降道人置席梅樹下引觴就酌寒香冷豔時撲  
酒罇黛色嵐光盡吞杯底蓋不待主人之勸而已不  
覺自醉矣歸則暮色蒼然千予藤蘿石壁間猶覺遊  
興之未疲是遊也匪特尋常遊觀之樂已也不可以  
弗記編修昆明黃琮遊西華山老君崖好客逢康樂  
尋山伴郭文橋衝村水沒路向野田分白甘摩  
孤嶂尖峯割亂雲遙知有佳處莫憚往來勤

自波些山分一支西南行為者安山

者安山 古今圖書集成在府西南四十五里有者安

塘開化府志山腹有龍潭吐出不時水潮中有蓑衣

雲南通志 卷三十五 地理志三之五 山川十五 六 開化府

羊出沒大雨即沛 謹案那木果河出其下西南流為三岔河

又東南為接鶯坡

接鶯坡 開化府志在府西南六十里上出鶯鵲有龍

潭三穴

又西南為龍馬山為九牛山

龍馬山 開化府志在府西南百四十里羣山拱向頂

有石壁將雨色灰黑將晴色軒朗土人以占陰晴相  
傳上出龍馬因以得名

九牛山 一統志在文山縣西北一百五十餘里舊雲

南通志在府北一百五十里九峯雄峙山勢險絕開

化府志在府西南一百四十里週回竹箐四面峭壁向無人蹤相傳居民失一牛數年忽聞山頂牛聲相應尋之得九牛以歸因名

又西南爲天洞山西南走越南國三岔河入清水江處而止

天洞山 舊雲南通志在府西南一百五十里山有石洞瀑布懸流如匹練

其正支自西華山南行爲上官山

上官山 開化府志在府南二十里高出天表俯視羣山

雲南通志

卷二十五

地理志三之十五

山川十五

七 開化府

又南爲梅子箐

梅子箐 開化府志在府南長四十餘里石磴嶙嶒林木葱蔚雖紅日當空常有煙氣迷濛行者苦之箐內有一椀水沿途四十里無水惟此小潭四時不竭不溢行人賴以濟渴

又南爲大汎坡又南爲山車山

大汎坡 開化府志在府南九十里雄壯巍峩四時煙雲不散

山車山 開化府志在府南百里鳥道羊腸南交扼要之地有山車塘有山車龍潭

又南爲馬白山

馬白山開化府志在府南百四十里交趾分界有

馬白龍潭其東法支革有龍潭其西多羅有龍潭

又南爲南西嶺爲烏木雙峯

南西嶺開化府志在府南二百里

烏木雙峯開化府志在府南二百里山有龍潭

又南走越南國境抵府大河謹案卽盤龍河入清水江處而止

分幹自白溪河源東南由阿迷界入境爲金雞崖

金雞崖開化府志在府西北阿迷境上山奇峭面開

一穴光圓如鏡土人耕其下夜聞雞聲後有客守候

雲南通志

卷二十五

地理志三之十五

山川十五

八開化府

十餘宿而去雞聲遂不復聞崖北二里有石高三尺

餘廣如之屹立如屏一夕被人穴一孔適西洋費隱

測量過此留連久之日不圖此閒產金雞天馬皆爲

人取去是穴去者爲天馬前金雞崖所聞爲金雞也

又城北百二十里有白魚洞洞出清泉魚皆白色訓導

建水高儀宿白魚洞屋近巉巖下山含落日餘新畬

隨澗曲老樹接雲虛何處窺黃鳥從人問白魚殊方

又東南爲九峯山

九峯山開化府志在府西一百二十里老烏海內海

周圍十餘里漁人環居其中彷彿東南景象

分一支東行爲霧露結山

霧露結山 一統志在文山縣東北一百二十里舊雲

南通志在府東北二十里蒼峯插天雲霧蒙結

又東爲最高峯東走江那水北維摩水南東抵馬別河而止

最高峯 舊雲南通志在府東北五十里峯巒轟起高

數百丈土人每聽猿聲以占陰晴開化府志在府東百五十里

分幹又東南走紅甸塘又東南走湯壩塘分一支東行爲

獅山

雲南通志

卷二五

地理志二五五

山川十五九 開化府

獅山 開化府志在府西八十里崢嶸聳峙形如蹲獅

履其巔可望阿迷一帶地方

又東爲哈官山爲印山爲風虎山其南爲筆峯山東走江那水南一字橋水北東抵馬別河而止

哈官山 開化府志在府北七十里綿互巍峩江那諸

山發源於此昔有土官哈八者居其上故名今礫石猶有存者

印山 開化府志在府北七十里其形似方印

風虎山 開化府志在府北七十里其形似虎相傳此山常多大風拔木損屋今去其下唇乃得安息

筆峯山 開化府志在府北六十餘里尖秀如筆

分幹又東南走儂人河北又東南為天生洞

天生洞 開化府志在府西北三十里即天生橋山 謹案

儂人河水從中出

又東走三塘二塘東南為鳳凰山

鳳凰山 舊雲南通志在府北五里形如飛鳳郡之鎮

山也 開化府志在府北十里高峯矗立兩翼下垂左

翼色紅右翼色綠狀如威鳳與東文西華相鼎峙

分一支東南行為東文山

東文山 舊雲南通志在府東北二里秀麗為一方之

雲南通志 卷二十五 地理志 三之十五 山川十五 十 開化府

冠開化府志在府東一里孤峯聳翠與西華對峙上

建文筆拱翼學宮

其東為火燄山

火燄山 開化府志在府東二里數十尖峯參差不齊

如火燄然山東有和尚莊龍潭

又分一支南行走馬札衝河以西為玉案山又南為麻姑

山

玉案山 開化府志在府南里許與學宮對峙橫列如

屏

麻姑山 開化府志在府南九十里地產金

又南爲乾沙坡南抵同車河入府大河而止

乾沙坡 開化府志在府南一百里其地產金

其正支自火燄山東行爲二臺坡

二臺坡 舊雲南通志在府東七十里路轉山迴綿互

百餘里開化府志在府東十里高出雲表

又東爲老城子山又東南爲彩雲洞

老城子山 開化府志在府東土司龍上登遺蹟內石

長丈餘清泉從石竇中流出

彩雲洞 在府東七十里錫版龍潭水直流洞中會南

邱革基兩龍潭水成牛羊河

雲南通志

卷二十五

地理志三之三

山川十五

十一 開化府

又東爲金龜山

金龜山 開化府志在府東一百里又名玉坪風水家

屢稱勝地

又東南爲南竹崖爲八夏山

南竹崖 開化府志在府東一百里山產斑竹民收爲

簾

八夏山 舊雲南通志在府西北二百里開化府志在

府東百里許飛崖峭壁俯視羣山

明總兵奉天高必盛八夏山蠻山稱

八夏自是景多奇雨洗看來淨雲蒸望去迷鳥飛聲遠近人度影參差千古應難畫洪濛未判時

又東南爲六龍山

六龍山 開化府志在府東一百二十里

又東南為東游山

東游山 開化府志在府東一百五十里

一支西南行沿同車河為聳翠山西南抵府大河而止

聳翠山 開化府志在府東南一百五十里與交阯老

君山隔河對峙萬丈插天南北橫互千餘里

其正支又南為麻栗坡山又南入越南國界至府大河普

梅河兩河入清水江處而止

麻栗坡山 開化府志在府東一百八十里陟其頂俯

視交南

雲南通志

卷二十五

地理志三之十五

山川十五

十一 開化府

分幹自鳳凰山東北行為馬灑箐

馬灑箐 開化府志在府東北三十里

又東北為麒麟山

麒麟山 開化府志在府東北四十里法土竜寨旁形

似臥麟下有湧泉清甘可人

又東北為諸葛山

諸葛山 開化府志在府東北六十里自鳳凰山發脈

迤邐五十餘里至腳澤竜後孤峯插天羣山拱衛周

圍十餘里上有武侯駐兵處城柵壕塹俱存

分一支北行為獅子山東北走阿雞塘入廣南境

獅子山 舊雲南通志在府東八十里危巒突起山勢崢嶸

正支又東北為阿香山

阿香山 開化府志在府東八十餘里阿香寨旁孤峯

矗天雖盛夏炎暑常見雲氣夷人於旱時相率上聽隱隱有雷聲不三日即大雨阿香之名蓋取諸此

又東北為六詔山又北入廣南界

六詔山 舊雲南通志在府西北十里山勢盤旋煙雲

環繞謹案在府東北百一十里連界廣南舊志恐誤

府西有羊街古洞有姑租白石洞有菇良洞

雲南通志

卷三十五

地理志三之十五

山川十五

十三 開化府

羊街古洞 開化府志在府西一百四十里羊街寨洞

有前後兩門頂上日光透入萬象畢羅

姑租白石洞 開化府志距新現百里許寬二十餘丈

長四五里常有水流出

茹良洞 開化府志在府西二十里寬做軒豁足供遊

玩

府北有黃龍洞有龍洞九陵谷

黃龍洞 開化府志在府北七十里黃龍壩夏末秋初

霧濛山頂色黃如雲一日雷雨大作黃龍上升水自穴出行人得以濟渴

龍洞 開化府志在枯木洞周八丈餘外朗中幽傳有龍困於內因名

九陵谷 開化府志在府西北百里土山有石穴初入如屋分九架有石樓二層坦平寬敞頂透天光石笋下墜冬溫夏涼

右開化府諸山

開化府之水三岔河界其西盤龍河由西而東環繞境內而東與廣南接壤則普梅河也

三岔河源出蒙自阿迷界上山為白期河亦曰白溪河一曰白謙河南流經蒙自白溪河塘又南流為芷村河右納

雲南通志

卷二十五

地理志三之十五

山川十五

齒 開化府

新安河水

新安河 一名鑽天箐水源出蒙自縣法果山會長橋

海諸水東由天生橋伏流入芷村河

謹案詳臨安府志參臨安府志

開化府志齊召南水道提綱

又南左會那木果河水

那木果河 源出府西四十五里者安山西南流至葛

布山下會三岔河

參古今圖書集成齊召南水道提綱

三河既會南流至壩灑汎南交趾界入魯部河

謹案即河底江亦即

蒙自梨花江 參開化府志臨安府志齊召南水道提綱

盤龍河一名開化府大河源出府西南百里蓑衣山下邪

革白龍潭伏流二十里北至烏溪石洞流出為烏期河北  
流經小石牙西又東北流經大石牙南又東北流數十里  
折東南流經樂竜北又東右納彌勒河水

彌勒河

源出樂竜南山中東北流入烏溪河

參開化府志齊

召南水道提綱

又東南右納順甸河水

順甸河

源出府西百里化乙山北麓東流入烏期河

開化府志

又東南右納路梯河水

路梯河

源出府西七十里山中東北流經路梯塘又

雲南通志

卷二十五

地理志二之十五

山川十五

五 開化府

東北入烏期河

參古今圖書集成齊召南水道提綱

又東南流為盤龍河至府西北二十里右納磨底河水

磨底河

源出府西五十里山中東流入盤龍河

齊召南水

道提綱

又東至天生橋伏流數里出東南流經府城東北又東南  
十里折西流經城東南又南折而東南至府東南十七里  
天生洞伏流數里從東南流又東而南曲曲百三十里左  
納同車河水

同車河

源出府東七十里錫版龍潭合南邱革基兩

龍潭水流經彩雲洞南出為牛羊河又西南流百里

右會馬札衝河水○馬札衝河源出沙尾衝南流經

新後克夕諸處左會牛羊河水○兩河既會為同車

河西南流入盤龍河參舊雲南通志開化府志

又南流數十里至天生橋右納賭咒河水

賭咒河 源出府西南百數十里山中東南流數十里

而伏數十里復出東流入盤龍河齊召南水道提綱

伏流數里南出又東南為藤橋河曲曲百八十里南入越

南國又南入清水江參齊召南水道提綱舊雲南通志開化府志

普梅河其上流曰那樓江曰漫江河南流為猛奔河竝東

與越南界又南入越南境開化府志

雲南通志 卷二五 地理志三之五 山川十五 六 開化府

魯部河其上流即禮社江亦即河底江自蒙自梨花江流

入境南至壩灑左納新現河水

新現河 源出蒙自白母孔寨東南流入境經大窩子

南流入江

又東南流入越南國境左納三岔河水上見又東南經通化

府西又東南左納盤龍河水見前又東南至嘉興州蒙縣會

洮江即瀾滄江亦即黑江為富良江南入於海參臨安府志開化府志

近廣南有阿猛海在阿猛村北又北有綠水塘在府東北

百五十里水如碧玉可鑿毛髮城南大興寺旁有桂井深

數丈味甘四時不涸左有雙桂掩映因名毘盧寺佛座下

有甘露泉源細不能仰出僧穿地道引之味甘洑城北七

十里有龍山塘平寨者保有雙溫泉在城東百一十里味

甘夏涼冬溫城南七里有老虎溝兩山排夾細水中流煙